

— 7. —

*Discours evit goulen eur plac'h neve da eureuji gant
ar respont conform evit e rei*

Goulen, Debonjour Jèc'h, Compagnunez,
Salud gant laouenidiguez :
Pa ho quelan az assamblet,
Dibreder ha qer brao guisquet,
E credàn mad oc'h eus amzer
Da zelaou eun daou pe dri guer,
Ni a zo amàn tremenedi :
Carguet demeus a guevridi,
Lavarit demp eta bremàn
Pe seurt hano en deus ar guer-man.

Respont, Ni a rent ar memes salud
Dèc'h oc'h unan coulz ha d'ho tud.
Sansipl omp d'ho complimantchou.
Coulz a doc'h oll reverançou,
Ac ho n'eus calz a interest
Da supposi oc'h tud honest ;
Mes mar dèo tremen e fell dèc'h,
N'hon eus affer abet ganèc'h,

G. Ouz ho clèvet o parlant
Me gred oc'h eus calz a dalant,
Hac e velan ive ractal
E zoc'h sur en goût da farçal,
Pa zeo guir na respontit ket
D'ar pez a meuz goulennet ;
Mes ni a zo deut eus a bell.
Har mar chomomp-ni discabel,
Ec'h alfemp-ni goude c'hoezi,
Dont da dapout eur pleuresi.
Rac-se, permett it demp souden
E cholofemp brèman hor pen :
Mar cavit e zeo difeçon,
Levarit demp-ni ar rêson.

R. A viscoas e meus bet clevet

— 8 —

En fall pennou loe avelet ;
 Ha ma attrapit pleurezi,
 N'en em glemmit qet ouzomp-ni ;
 Beza oc'h euz pep liberte,
 Grit ta diouz ho commodite.

G. Penos eta ? va guir vignon,
 Me ho cav eun den a fêçon,
 Hac e laken ebars em speret
 E vijen bet ganéc'h pedet
 Da lakat an tan var va fiben,
 Dre ma zomp guir amezeyen ;
 Neuze souden, en eur fumi,
 Me a lavarje va c'hevridi,
 Hac er fin neuze va c'homplimant,
 Har ma bije d'ho santimant.

O pije bet ar civilité
 Da ofr un tam hac eur banne,
 Ma vijec'h bet kent aviset,
 O pije sur calz gonezet.
 Rac me a dleye ho pedi
 Da zont ganemp da zijuni,
 Ha goude-ze c'hoas da leina
 Hac erfin goude da goania ;
 Mes ma na rit demp ken enor
 Nemet da zivoal toul ho tor,
 Ha chom ker fier en hoc'h ez
 Evit hon delc'hi-ni ermez.
 N'en d'oc'h-hu ket eun heretiq
 Pe mab dar falz pinvidic !

R. Selaouid mad, va c'hamarad :
 En em en entend a gaffen mad
 Ni hon eus guelet avichou
 Certen tud a vendennou
 Oc'h antren ardiamant amâ,
 Hac o tonet da zifframa
 Kig hac anduill, lin ha kig sall

— 9 —

Crampouez, ha calz eus a draou-all ;
 Hac eno ret mad deomp, goude-ze,
 Delc'hel hon ty en surete.
 Allas ! ni ne ouzom doare,
 Ha c'houi a vez euz ar seurt tud-se ;
 Couscoude mar d'oc'h skuis en ho sa,
 Ha c'hoant dêc'h-hu da azea,
 Me royo dêc'h eur voutez pren :
 Azeit unan en pep penn ;
 Neuze, hac e vec'h-hu ermez,
 E parlantot guell en oc'h èz.

G. Mar deo difianç ho lakaa
 D'hon trêti er fêçon-mâ,
 E tislêryad dêc'h a bouez pen
 N'omp qet ar seurt friponerien,
 Laeron anduil ha kig sall,
 Na troyadellerien all,
 Mes hon deveus commission
 Conform d'hon Religion ;
 Rac merket eo ebars er Scritur
 Penos gêeachal eun den fur
 A voa hanvet Eliezer,
 A ras ar memes micher ;
 Ha penos, hervez an histor,
 E voe trêtet gant calz enor.

R. An histor-ze sur, va mignon,
 A verit kalz attantion.
 Eun talent demeurez ar c'haëra
 Eo gouzo ut èn em explika.
 Hac erfin eus ho compliwant,
 Mar bezit euz ho santimant,
 Ni a velo petra da ober,
 Ha petra ras Eliezer ;
 Pe mar er c'herit, da guenta
 Livirit petra voe grêt dezâ.

C. Eliezer, va mignon kès,

— 10 —

Ne voe ket lezet ermès :
 Deputet e voe gant e vest,
 Evit pini en d'oa intérest,
 Da glask eur plac'h voa destinet,
 Gant Doue evit pried
 Da Isaac, den yaouank flam,
 Mvb unik da Abraham
 E el-se dre urs-an Tad,
 E partias mintin mad,
 Hac ec'h antreprenas joaüs
 Eur veac'h hir, fatigus,
 Var zu ar Mesopotami.
 Hep gouzout hent ebet da vont d'y.
 Mes pa ignorer an hentchou,
 E rêr mad var boes goulennou
 Evelse pa zent éruet amàn
 E c'houlennàn hano an ty-man
R. Ho ! ma vije deut hennes aman,
 Ni hor bize poket dezàn ;
 An den-ze, var ar lavarit,
 A voa eun den leun a verit ;
 Mes bremàn euz eun amzer all,
 Hac e vale kalz a dud fall ;
 Bremàn e veler bizier balan
 Prest da grevi gant bêr-alan,
 Oc'h invanti niver traoù
 O klasq lakat güir ar gaou ;
 Uza a reont tout o adres,
 O prometi môr ha memez ;
 Eun den a lavar calz a draou.
 N'int peurvuia nemet eur gaou,
 Mar doc'h eur gascon evel-se,
 Troît ho kein pe kit adare.
G. An hini a zo va model,
 A voa güirion ha fidel,
 Clévit c'hoas daou pe dri guer,

— 11 —

Var compaignon Eliezer,
O veza bet pedet Doue
D'e gundui en demarch-se,
Ec'h êruas directamant
Elec'h ma edo ar plac'h yaouanq ;
Kaer evel eur stereden, en eur famill
Tud demeus a re charitapla,
Pedet e voe da vont en ty,
Kinniguet dezàn da zêbri ;
Mes en a lavaras a grenn
Ne guemerje nep brienen
Nemet goude explika
An urzou voa roet dezà
Aman ive, va breur ker,
Ne rit ket deomp coll hon amzer
Deut omp gant an intantion
Evit ar memes commission,
Hac e zeo deomp-ni revelet
Emedi a ze hon reget.
Kaer ho pezo dissimuli :
Hor plac'h a zo ebars ho ty :
Lavarit dêi e mon amâ
Gant an ini a gar ar muia
Demeus an oll grouadurien
Pere a vev hac a dremen,
Hac én eo a bed anezi
Da zon brêmàn da contracti
Evit beva ervant assambles
Ar rest deus o oll buez.
N'en em arrêtân ket da veuli,
Da fougeal, na da bombadi ;
Ni a voar ervat manifik
Peguer mad eo, peguer pinvidic ;
Anfin eun den eo. eus ar guella
A guemet a zêbr bara.